

續

漢

書

辨

疑

續漢書辨疑卷一

續漢書司馬彪撰 晉書云司馬彪字紹統高陽王睦之長子出後宣帝弟敏以中興無良史乃爲紀志傳八十篇號曰續漢書文選注引臧榮緒晉書云司馬彪字紹統少篤學初拜騎都尉太始中爲祕書郎轉丞後拜散騎侍郎終於家案范史志已失傳其名目之可攷者有百官志見皇后紀有禮樂輿服志見東平王蒼傳有五行天文志見蔡邕傳後人見蔚宗書無志因取續漢書八志以補之

劉昭注 梁書文學傳云劉昭字宣卿平原高唐人集

後漢同異注司馬彪書世稱博悉

律歷志上

注於是始作甲乙以名日謂之幹作子丑以名日謂之枝
幹枝之說始見於此周官馮相氏掌十有二辰十日
之位注云十二辰子丑之等也十日甲乙之等也竝不
言幹枝

氣至者灰去 去閩本作動

律歷志中

建武八年中太僕朱浮 案朱浮傳七年轉太僕此中字
衍因下有太中大夫相涉而謬

復令待詔張盛景防鮑鄴等 鮑鄴官太常樂丞

且三五步驟 三五三皇五帝也

冬至之日日在斗二十二度 以上文證之當作二十一
度

用望平和歷時之義 平閩本作正

建星卽令斗星也 令閩本作今

及冬夏至斗一十一度四分一 一十當作二十

十七得朔三日晦 日當作得

以令太史官候注記 令閩本作今

夫數起于杪智 智古忽字

律歷志下

日有光道 光當作九

以周除口得三百六十五四分之度之一 詹事兄曰度字

疑衍

律歷一篇數理精微非限于算學者不能攷正字兄校正本最精今悉載之其已刻在攷異中者不

焉列

以日周除月周得一歲周天之數 詹事日月一歲行天
十三周又十九分之七

紀月萬八千八百 詹事日以紀法除之得十二又五百
二十分之五百六十爲一歲之月數

周天千四百六十一 詹事曰四歲之日數

部日二萬七千七百五十九 詹事曰七十六歲之日數
也以月周除之得二十七又千一十六分之三百二十
七則月行一周天之日分也以部月除之得二十九又

九百四十分之四百九十九爲一月之日數也所謂朔策

沒數二十一 詹事曰歲有三百六十五四分日之一滿六十去之餘五日四分之一以日法通之是爲一歲之沒數

通法四百八十七 詹事曰以沒法除之得六十九又七分之二而盈一沒日也

日餘百六十八 詹事曰以三十二除之得五日三十二分之八

四分之

一也 漢志所謂策餘也以二十四氣分之得

小餘七則一氣之日餘也以十二中氣除之得小餘十四則一中之日餘也日餘亦爲度餘蔡邕所謂十二次

每次三十度三十二分之十四其數亦取於此

大周三十四萬三千三百三十三 詹事日以章月乘周

天得大周以部月除之得三百六十五又九百四十分之二百三十五即四分之一則一歲之日數也大周者九百

四十歲之日數

月周千一十六 詹事日以部法除之得十三又七十六之二十八即十九分之七則每日月行之度也

分終其法 詹事日謂五百一十三歲得千八十一食而歲數食數一終也

部會二千五十二 詹事日以部法除之得二十七以歲之得四所謂與部相約得四與二十七也

求次氣 詹事曰不應提行下求次日同

求次月大加三十五度六十一分 詹事曰月大三十日

行四百零一度四分減周天三百六十五度十九分

四分餘三十五度六十一分

求望下弦 詹事曰不應提行

以二十九乘之爲積日 詹事曰每月之日數

又以四百九十九乘積月 詹事曰謂每月之小餘也

木周率四千三百二十七 詹事曰前志以周率爲見復

數

日率四千七百二十五 詹事曰前志以日率爲歲數

合積月十三 詹事曰積月分一百十一萬三百七十五

大餘二十三 詹事曰蒞日乘積月得三十六萬八百六十七如蒞月得積日三百八十三小餘八百四十七以六十去積日得大餘二十三

虛分九十三 詹事曰以朔小餘減蒞月餘爲虛分

人月日十五日餘萬四千六百四十一 詹事曰以蒞日乘月餘得一五四九四〇九五四以月法乘小餘得六九六三四四一一并之爲一二二四五七五三六五約之則二十七萬四千二百六十一如日度法得入月日及日餘

積度三十三度餘萬三百一十四 詹事曰周率減日率餘三百九十八爲度分周天乘之得五十八萬一千四

百七十八如日度法得積度及度餘

火合積月二十六 詹事曰積月分四十四萬八百六十大餘四十七 詹事曰部日乘積月得七十二萬一千七百三十四如部月得積日七百六十七小餘七百五十四以六十去積日得大餘四十七

入月日十二日餘一千八百七十二 詹事曰部月乘月餘得一八四一五三二〇六月法乘小餘得一二五九二五五四相并爲一九六七四五七六〇約之爲四萬四千六十四如日度法得入月口及日餘

積度四十九度餘一百一十四 詹事曰周率減日率餘九百九十七周天乘之得一百四十五萬六千六百十

七如口度法得積度四百十四度餘九百九十三積度滿三百六十五去之餘四十九度餘滿八百七十九日仰度法四去之餘一百十四分之二

土合積月十二 詹事曰積月分二百二十一萬二千五百二十五

大餘五十四小餘三百四十八 詹事曰部日乘積月得三十三萬三千一百八如部日得積口三百五十四小餘三百四十八以六十去積口爲大餘

入月日二十四日餘二千一百六十三 詹事曰部日乘月餘得三八四八四二四四八三月法乘小餘得六〇一四二七五二并之得三九〇八五六七二三五約之

爲八十七萬五千三百七十九如日度法得入月日及

日餘

積度十二度餘二萬九千四百五十一 詹事曰周率減

日率餘三百十九周天乘之得四十六萬六千五十九
如日度法得積度及度餘

金合積月九 詹事曰積月分一百九萬五千三百三十

五

大餘二十五小餘七百三十一 詹事曰部日乘積月得
二十四萬九千八百三十一如部月得積日二百六十
五小餘七百三十一以六十去積日爲大餘

入月日二十六日餘二百八十一 詹事曰部日乘月餘

得二七三一六二四三九五月法乘小餘得八〇九七
二八七〇并得二八一二五九七二六五約之爲六十
二萬九千九百二十一如日度法得入月日及日餘

積度二百九十二度餘二百八十一 詹事曰周天乘日
率得六百八十萬九千七百二十一如日度法得積度
及度餘

水入月日二十八日餘四萬四千八百五 詹事曰部日
乘月餘得六〇四二一〇七二一七月法乘小餘得一
一二八九九七四八并得六一五五〇〇六九六五約
之爲一百三十七萬八千五百一如日度法得入月日
及日餘

積度五十七度餘四萬四千八百五 詹事曰周天乘日
率得二七五九八二九如日度法得積度及度餘

注月令章句孟春以立春爲節驚蟄爲中 詹事曰四分
術以雨水爲正月中驚蟄爲二月節蔡邕月令章句云
云從古法也

右黃道度三百六十五四分之一 黃道度下當有周天二
字六十五下當有度字

二十四氣 當與冬至小寒爲一格不應另行

斗二十度云云 當與日所在爲一格不應作小字

黃道去極 極下脫度字

百一十五度 衍度字

昏中星畢五少弱 一本作少強

張十七進一 當作進二

室二半強進三 詹事曰三當作二

旦中星室十二少弱退三 詹事曰北宋本作退二

胃九大弱 本又作大強

張十五大強 詹事曰脫進二二字

注未當至而至病臃腫 臃古痲字

注白壁八度至胃一度 詹事曰八度當爲九度以每次

三十度三十二分之十四推之可知

禮儀志上

注建寧五年正月車駕上原陵 建寧五年卽熹平元年

也是歲五月改元故正月猶稱建寧

正月甲子若丙子爲吉日可加元服 案安帝以正月庚子冠濟北王以正月壬子冠則庚子壬子亦吉日也

如是七郊禮樂三雍之義備矣 如是閩本作於是五更南面公進供禮 公本又作三公

官民皆絜於東流水上 官民文選南都賦注引作官人禮儀志中

詢者贊皇太子臣某中 某中閩本作某甲監本同

有夏勤策文 勤爲司徒本紀在永初三年四月丙寅與此年月不同

注賜太尉將軍各六十匹 將軍下當有帛字

注當新始殺食曰貍臠 當是當字之譌食下當有新字
否則召太史令各板書 板書閩本作書板

注故不聽事迎送凡田獵者歲終大祭 凡田今本獨斷
作五日獵當作臘

以賜公卿將軍特侯諸侯云 特侯特進侯也

饗遣故衛士儀 案天官內饗饗士庶子注云士庶子衛
王宮者若今時之饗衛士矣惠棟曰前漢饗衛士於曲
臺後漢於平樂觀

注嘉平四年正月申 嘉當作烹

禮儀志下

注諸侯飯以珠噲以珠 下珠字當作璧

注天子之椁柏黃腸爲裏表以石焉 陳景雲曰此十三

字乃上文治黃腸題渼之注誤入於此

瓦大杯十六容三升瓦小杯二十容二升 御覽七百五

十九引此文三升作二升二升作一升

注其視萬世猶一瞬也 瞬呂覽作瞋瞋古瞬字高誘曰

潁川人相視曰瞋一曰瞋者謂人臥始覺也

注舜葬禮亦不變肆 紀亦呂覽作紀市

諸侯王列侯始封貴人公主薨 賜錢之制志中不載攷

中山簡王烏傳云自中興至和帝時皇子始封薨者皆

賜錢三十萬布三萬匹嗣王薨賜錢千萬布萬匹中山

王薨時竇太后臨朝太后東海出也陸于焉加賜錢一

億濟北惠王壽傳云自永初以後夷狄叛亂國用不足始封王薨減賻錢爲千萬布萬匹嗣王薨賻錢五百萬布五千匹時壽最尊親特賻錢三千萬布三萬匹

祭祀志上

凡樂奏青陽朱明西皞元冥 案前書禮樂志郊祀歌十
九章惟青陽朱明西顛元冥四章有鄒子樂三字而是
四章至後漢郊天猶尚用之且立春迎青帝歌青陽立
夏迎赤帝歌朱明立秋迎白帝歌西皞立冬迎黑帝歌
元冥何四章之所用者多而其餘乃不復用耶

江得之者汝南召陸人 陸當作陵

在臺之聖賢 台當作古

祭祀志中

注於之班教曰明堂 於之文選注作於其上

注言王者動作發天地 發當作法

祭祀志下

大司徒涉等議 案張純傳云涉等議宜以宣元成哀平
五帝四世代今親廟宣元皇帝尊爲祖父可親奉祠成
帝以下有司行事傳文較志明晰

藏主於世祖廟更衣 更衣寢側之別殿非正處也

開祠於更衣 開祠如五月嘗麥十月嘗稻之類

方壇無屋有牆門而已 光武紀注引此文方壇下有四
面及中各依方色八字疑脫

天文志上

宋之子章 藝文志陰陽家有宋司星子章三篇景公之

史

能通兵法者六十三家 者字當在家字下說詳光武紀

斧敬法闕 敬法殿名

天文志中

永平三年彗星出天船北長二尺所百三十五日去 案

百疑當作見本紀章懷注引伏侯古今注云彗長三尺

所見三十五口乃去

建初元年十一月戊寅彗星出婁三度 章帝紀作十二

月

元和元年四月丁巳客星晨出東方 本紀作二年四月

乙巳

許侯馬光有罪自殺 許侯當作許陽侯

樂成王宗皆薨 宗傳作崇

遼東鮮卑太守祭參不追虜徵 據本紀及鮮卑傳當云

八月鮮卑寇肥如遼東太守祭參云云

注須臾西有雷聲 西閩本作西北

永初二年正月戊子太白晝見 案楊厚傳云永初二年

太白入北斗

在云時正月己亥

厚對以爲諸王子多在京師宜

各還本國鄧太后從之星尋滅不見志以太白入斗事

編入三年十二月疑誤

沛王牙薨 牙本紀列傳並作正

元初三年三月熒惑入與鬼中 三月下不書日史闕文
延光四年十一月太白犯畢 畢闕本作昴畢

永建六年會稽海賊曾於 於本紀作旌

陽嘉元年 據郎顛傳是年八月二十四日戊辰熒惑歷

與鬼東入軻轅出后星北東去四度北旋復還志不載

閏月戊子客星氣白 郎顛傳云閏十月十七日己丑夜

有白氣從西方天苑趨左足人玉井數日迺滅

征西將軍馮賢 馮當作馬

摩西羌於北地謝姑山下 謝本紀作射

天文志下 是卷無注

延熹五年肅皆敵走 皆當作背

廢遷于桐宮死 陳景雲曰祠當作桐和帝陰皇后廢遷
桐宮事見皇后紀可互證也

七年又荊州刺史芝 芝逸其姓

熹平二年丹陽太守陳寅 寅本紀作寅

建安十七年周郡以爲云云 郡當作羣即益州從事

續漢書辨疑卷一終

子多在京師容有非宜各還本國邵太后從之水尅期退

注博物記曰注河水赤 注當作江

注朱穆傳云漂害數千萬戶 千當作十朱穆傳桓帝紀
竝云數十萬戶

延熹八年濟北水清 據本紀當作濟陰東郡濟北河水
清

熹平三年秋雒水出 出本紀作溢

四年夏郡國三水 本紀作郡國七大水

光和六年秋金城河溢水出二十餘里 溢水二字當乙

中平五年郡國六水大出 六本紀作七

庶徵之恒寒 案桓帝延熹七年冬大寒殺鳥獸害魚鼈

城傍竹柏之葉有傷枯者見襄楷傳志失載

注臣昭案尹敏傳 尹敏誤當作孔僖

順帝永建五年郡國十二蝗 按楊厚傳永建四年六州

大蝗志失載

三道竝出 夏青出高柳田晏出雲中臧旻出鴈門故云

三道

五行志四 是卷無注

建初元年三月甲申山陽東平地地震 本紀作甲寅

使征西將軍劉尚擊之 征西上本紀有行字

永初四年郡國四地震 四本紀作九

五年郡國十地震 本紀作郡國十二

七年正月壬寅二月丙午郡國十八地震 本紀但有二

月丙午之事此正月壬寅四字疑衍

元初六年冬郡國八地震 冬本紀作十二月

皆得用權 用閩本作擅

陽嘉二年四月己亥京都地震 郎顛傳四月京師地震

遂陷

有以楊震行事諫之止云 止監本作上非是

建康元年涼州都郡六地震 都當作部六郡謂隴西漢

陽張掖北地武威武都也

九月丙午京都地震 本紀是日京師及太原雁門地震

三郡水涌土裂

延熹四年京都右扶風涼州地震 志不書月攷本紀在

六月

熹平二年六月地震 本紀作北海地震

六年十月辛丑地震 本紀作京師地震

興平元年六月丁丑地震 本紀云戊寅又震

河東恆山崩 恆本紀作垣

日南地坼長百八十二里 東觀記曰廣五十六里

建和三年郡國五山崩 本紀在九月

章帝七八年間郡縣大螟傷稼 縣魯恭傳作國

建初四年京都牛大疫 案和帝初立是年牛死日甚見

魯恭傳志亦不載

五行志五

六月壬子河內野王山上有龍死 襄楷傳云六月十三日則是月庚子朔也

熹平元年四月甲午青蛇見御坐上 青蛇事張奐傳作建寧二年夏謝弼傳同惟不言夏耳志及楊賜傳竝作熹平元年皆非也或云熹平元年當作建寧元年然陳蕃竇武之被害在建寧元年九月而張奐謝弼之言災應俱有誅陳竇事則必非建寧元年之夏可知當從張謝等傳爲是

注憂遣大臣竝禱請命 憂闕本作僞

桓帝元嘉元年正月京都大疫 案楊厚傳順帝永建四年疫氣流行本志及注俱不載

二月九江廬江大疫 大閩本作又

五行志六

在危八度 後漢紀作十度

注本紀都尉詔以聞 此本紀當是續漢書本紀

元和元年八月乙未晦日有蝕之 元和當作章和閩本

亦誤

元初元年 本紀三月癸酉日有食之志不載

延光三年九月庚寅晦日有蝕之 本紀作庚申

永康元年勃海盜賊 盜賊二字誤本紀作海溢

建寧二年十月戊戌晦日有蝕之 本紀作庚子晦

中平六年二月乙未白虹貫日 郎顛曰凡日傍色氣白而純者名爲虹貫日中者侵太陽也易傳曰公能其事序賢進士後必有喜反之則白虹貫日以甲乙見者謔在中台

贊五事尅端 閩本作五是

續漢書辨疑卷二十一終

續漢書辨疑卷三

嘉定錢大昭晦之甫學

郡國志一

及春秋三史會同征伐地名 三史拾遺曰三史謂史記漢書及東觀記也蜀志孟光傳無書不覽尤銳意三史吳志呂蒙傳注引江表傳權謂蒙曰孤統事以來省三史諸家兵書大有益又孫峻傳注引吳書留贊好讀兵書及三史晉書傅元傳撰論三史故事評斷得失亦以東觀記合史漢爲三也

注細注證發臣劉昭采集 細闕本作新

注自井十六度至柳八度曰鶉首之次自柳九度至張十

七度曰鶉火之次自軫十二度至氐四度曰壽星之次
自尾十度至斗七度百三十五分而終曰析木之次

案前志自井十度至柳三度謂之鶉首之次自柳三度
至張十二度自東井六度謂之亢六度謂之壽星之次自
侯四度至斗六度謂之析木之次與帝王世紀不同

河南尹注秦三川郡高帝更名世祖都雒陽建武十五年
改曰河南尹 此司馬彪本注他郡國放此

二十一城 岡本汲古閣本新鄭縣下脫平縣監本有之
雒陽 括地志故城在洛州洛陽縣東北二十六里周公
所築即成周城也

注城內太倉西南地水 地當作池

有土鄉聚注馮異斬武勃地 案馮異傳更始遣舞陰王
李軾等將兵號三十萬與河南太守武勃共守洛陽異
引軍度河與勃戰于土鄉下大破斬勃大昭案縣有太
谷距洛九十里孫堅攻董卓進軍處卓傳注云太谷口
在故嵩陽西北三十五里北出對洛陽故城張衡東京
賦云盟津達其後大谷通其前是也又有樊濯聚宋貴
人葬處見清河
孝王傳李賢曰在洛陽城北

河南又有甘城左傳僖二十四年甘昭公杜預曰食邑于
甘

梁 李賢曰今汝州縣

有陽人聚 案董卓傳孫堅屯陽人聚攻卓李賢曰故城

在縣西

有霍陽山 李賢曰霍陽山有霍陽聚俗謂之張侯城在

縣西南

滎陽 漢碑滎皆從火括地志故城在鄭州滎澤縣西南

十七里

有鴻溝水 張華曰大梁城在浚儀縣北縣西北渠水東
經此城南又北屈爲二渠其一渠東南流始皇鑿引河
水以灌大梁謂之鴻溝楚漢會此處也其一渠東經陽
武縣南爲官渡水

有隴城 杜預曰在縣東

有敖亭 水經濟水東經敖山北注云詩溥狩于敖山上

有城殷仲丁所遷秦置倉于其中亦曰敖倉城杜預曰
在縣西北括地志敖倉在鄭州滎陽縣西十五里縣門
之東北臨汴水南帶三皇山秦時置倉于敖山名敖倉
大昭案縣有釐城春秋經隱十一年會時來來左傳作
邾杜預曰時來邾也在縣東鄭地

卷 李賢曰故城在今鄭州原武縣西北

陽武 李賢曰今鄭州縣

注秦始皇東游至陽武博浪沙中 張良傳作博浪沙服
虔曰在縣南今有亭師古曰狼音浪

中牟 李賢曰今鄭州縣

有圃田澤 杜預曰在縣西

有清口水 水經注清池水出清陽亭西南平地東北流
逕清陽亭南東流卽故清人城也詩清人在彭清爲高
克邑清水又屈而北流至清口澤大昭案縣有官度曹
操攻袁紹屯兵處李賢曰在縣北水經注萆蕩渠經曹
公壘北有高臺謂之官度臺在中牟城北俗謂之中牟
臺

開封 李賢曰故城在今汴州浚儀縣南

宛陵 杜預曰滎陽縣

平陰 括地志河陰縣城本漢平陰縣在洛州洛陽縣東
北五十里十三州志云在平津大河之南也魏文帝改
曰河陰

穀城 前志作穀成括地志故城在今洛州河南縣西北

十八里苑中

有函谷關 李賢曰故關在今洛州新安縣東

緱氏 括地志故城在今洛州緱氏縣東二十五里滑伯國也

注縣有百坏山 永元十五年帝行幸此山李賢曰在縣南

有轘轅關 杜預曰在縣東南

裏二十一年

鞏注須于洛汭 杜預曰洛汭在河南鞏縣南水曲流處

汭 昭元年

有尋谷水 左傳王師晉師圍郊郊鄩潰杜預曰縣西南

有地名鄆中

有黃亭 杜預曰在縣西南

有明谿泉 杜預曰在縣西南

成臯 括地志故城在今洛州汜水縣西南二里

有旃然水 杜預曰旃然水出滎陽成臯縣東入汴

京 括地志故城在今鄭州滎陽縣東南二十里鄭之京

邑

密 李賢曰故城在今密縣西南

新城 李賢曰今伊闕縣

有高都城 高誘曰高都韓邑今屬上黨括地志高都故

城一名郃都城在洛州伊闕縣北三十五里

假師 前志作假師

有尸鄉 前書曹參傳擊趙賁軍尸北孟康曰尸鄉之北
新鄭 晉時廢此縣入宛陵

河內郡

懷 李賢曰故城在今懷州武陟縣西

軹 李賢曰故城在今洛州濟源縣東南

有泝梁 杜預曰泝水出縣東南至溫入河

野王 李賢曰故城在今懷州武德縣北

有射犬聚 李賢曰故城在今懷州武德縣北

有邗城 括地志故城在河內郡西北二十七里古邗國

地也

溫 李賢曰今洛州縣

州 左傳昭三年賜女州田晉書志云州故晉邑

山陽邑 李賢曰故城在今懷州修武縣西北

有蔡城 括地志豫州上蔡縣在州北七十里古蔡國外城叔度所都城也有蔡岡在縣東十里因名

武德 秦始皇東巡置李賢曰今懷州縣

脩武 李賢曰今懷州縣

有小脩武聚注春秋曰甯 左傳定元年魏獻子卒於甯杜預曰甯今汲郡脩武縣近吳澤光武紀注云本殷之

甯也韓詩外傳云武王伐紂勦兵於甯改曰脩武

有潰城 潰當作潰注同監本不誤杜預曰在縣北

共 李賢曰故城在今衛州共城縣東

有汎亭注凡伯邑 汎疑當作凡通典凡伯園在衛州黎

陽縣郡縣志故凡城在衛州共城西二十里古凡伯國

朝歌 虞詡傳朝歌者韓魏之郊背太行臨黃河去故倉

百里李賢曰故城在今衛縣西通典衛州衛縣漢朝野

縣地

注有鹿腹山 腹當作腸袁紹討于毒出軍入朝歌鹿腸

山蒼巖谷口注引此文亦作腸

南有牧野 說文作姆野水經注自朝歌以南暨清水土

地平行據皋跨澤悉姆野之地故詩稱牧野洋洋竹書

紀年曰武王率西夷諸侯伐殷敗之于牧野

河東郡

安邑

括地志故城在今絳州夏縣東北十五里本夏之

都李賢曰今蒲州縣

注戰昆吾亭

案寰宇記解州安邑縣有昆吾亭蓋湯伐

桀之時昆吾以兵助桀同時而滅故有亭非國於此也

有鹽池

李賢曰鹽池在今蒲州虞鄉縣西

楊

有高梁亭

水經注汾水過高梁邑西故高梁之墟

也春秋秦穆公納公子重耳于晉害懷公于此漢高帝

封酈介于斯邑

注信九年晉懷公死高梁 九年當作二十三年

臨汾

有董亭

案左傳文六年晉改蒐于董杜預曰汾

陰縣有董亭又宣十二年董澤之蒲杜預曰聞慈縣東南有董池陂尋此二注董與董澤似屬兩地司馬彪本注云臨汾有董亭聞慈邑有董池陂古董澤劉昭注兩引改蒐于董與杜不合或別有所本

汾陰 注縣西北有狐谷亭 左傳僖十六年狄侵晉取狐厨杜預曰平陽臨汾縣西北有狐谷亭

蒲坂 劉寬碑陰蒲坂四見俱作蒲反

有雷首山 左傳宣二年趙宣子田于首山杜預曰首山在蒲坂縣東南

大陽 有吳山上有虞城 郡縣志故虞城在今陝州平陸縣東北五十里虞山之上古虞國

皮氏 李賢曰故城在今絳州龍門縣西

聞喜邑 劉寬碑陰聞喜凡六見俱作聞熹

有涑水 酈道元以爲涑水卽洮水之兼稱

垣 李賢曰今絳州縣大昭案縣有箕關鄧禹傳禹自箕關入河東水經注箕關故城在垣縣

北屈 晉公子夷吾所居杜預曰今平陽北屈縣

蒲子 晉公子重耳所居杜預曰今平陽蒲子縣

獲澤 有祁城山 祁當作析

端氏 李賢曰故城在今澤州端氏縣西北

宏農郡

宏農 故秦函谷關 括地志函谷關在陝州桃林縣西

南十二里園記云西去長安四百餘里路在谷中故以爲名

注出衡山嶺下谷 衡前志作衙當從之

有枯樅山 東觀記徐宣樊崇等入至恆農枯樅山下與更始將軍蘇茂戰崇北至務鄉轉至湖見更始傳

有務鄉赤眉破李松處 更始傳遣李松會朱鮪與赤眉戰於務鄉松等大敗注云在今虢州湖城縣之閒

陝 有陝陌注二伯所分 水經注云陝縣故城周召分伯以此城爲東西之別集古錄云陝州石柱相傳以爲周召分陝所立以別地里

屯池 有二峭 李賢曰峭底在今洛州永寧縣西北

新安 括地志故城在今洛州澠池縣一十三里卽坑秦

卒處

宜陽 李賢曰韓國都也故城在今洛州福昌縣東韓城是也

盧氏 有熊耳山 水經注云洛水之北有熊耳山雙巒競舉狀同熊耳在宜陽西也

湖 李賢曰故城在今虢州湖城縣西南

華陰 有太華山 杜預曰山在縣西南
注武王放馬牛於桃林墟 左傳文十三年守桃林之塞
杜預曰在縣東潼關

京兆尹十城 劉寬碑陰永安長京兆下圭駱口伯彥又

有京兆下圭六人案前志京兆有下邳疑郡國志脫此
一縣或中葉以後省

長安

注長安城方亦十三里 亦當作六

注十三城門 三當作二大昭案縣有虎牙都尉治安帝
永初四年置京兆虎牙都尉居長安又有平望亭在城
東孝景薄皇后墓亭南

霸陵

有枳道亭 司馬貞曰漢書宮殿疏云亭東去霸

城觀四里觀東去泐水百步張守節曰括地志在雍州
萬年苑東北十六里苑中大昭案縣有郎官亭孝武陳
皇后墓亭東

杜陵

李賢曰周之杜伯國在今萬年縣東南

鄭 李賢曰今華州縣

新豐 有嚴城 嚴疑當作振劉聖公傳注引續志新豐
有振城李松拒赤眉處振子厥反據此則本是振字形
相似而譌爲嚴耳李松拒赤眉處六字亦續志注文也
今脫

商 李賢曰今商州商雒縣

上雒 有菟和山 杜預曰在縣東

左馮翊

池陽 李賢曰故城在今涇陽縣西北大昭案縣有黃白
城李催欲徙帝于此見董卓傳

類陽 括地志故城在今雍州同官縣界李賢曰故城在

今雍州美原縣西南

萬年 李賢曰故城在雍州櫟陽縣東北二十五里

蓮勺 李賢曰故城在同州下邽縣東北

重泉 括地志故城在同州蒲城縣東南四十五里

臨晉 有芮鄉 郡縣志芮城在陝州芮城縣西二十里

有王城 括地志同州東三十里朝邑縣東三十步故王

城

衙 杜預曰郃陽縣西北有彭衙城括地志彭衙故城在

同州白水縣東北六十里

粟邑 李賢曰故城在今同州白水縣西北

右扶風 脫雒陽西若干里句

魏里周曰犬丘 括地志犬丘一名廢丘故城在雍州始平縣東南十里

平陵 李賢曰昭帝陵也因以爲縣故城在今咸陽縣西北

鄠 郡縣志故城在今鄠縣北二里

古扈國 左傳昭元年夏有觀扈杜預曰扈在始平鄠縣括地志雍州南鄠縣本夏之扈國也

有甘亭 水經渭水注甘水又北逕甘亭西

郿 括地志故城在今岐州郿縣東北十五里郿縣志本秦縣今縣東十五里有故城存

武功 有太一山本終南 終南亦作中南杜預曰中南

在始平武功縣

注南口褒北口斜 兩口字闕本俱作曰

陳倉 大昭案縣有散關順陽侯嘉傳云延岑北入散關
注云散關故城在今陳倉縣南十里有散谷水因取名
焉

汧 李賢曰故城在今隴州汧源縣南

渝麋 渝當作渝李賢曰故城在今隴州汧陽縣東南

雍 注邵穆公采邑 案杜預曰召采地扶風雍縣東南

有召亭水經注雍水東逕邵亭南世謂之樹亭川亭故
召公之采邑京相璠曰亭在周城南五十里括地志邵
亭故城在岐州岐山縣西南十里大昭案縣有都尉治

安帝永初中置扶風都尉居雍縣獻帝起居注云中平六年省

栒邑 李賢曰故城在今邠州三水縣東北

有幽鄉 桓譚新論云邠亭太王厠處其民有會日以相

與夜中市不為卽有災咎羅泌曰幽平谷名

美陽 有岐山 郡縣志岐山亦名天柱山在鳳翔府岐

山縣東北十里

有周城 括地志故城一名美陽城在雍州武功縣西北

二十五里

續漢書辨疑卷三終

續漢書辨疑卷四

嘉定錢大昭晦之甫學

郡國志二

潁川郡十七城 前志潁川有郟縣續志不載案銚期臧

宮傳竝云潁川郟人光武紀鳳皇見于潁川之郟縣馬

成傳云守郟令馮魴傳云遷郟令此縣或明帝以後省

陽翟 括地志云今洛州縣

有雍氏城 括地志故城在洛州陽翟縣東北二十五里

故老云黃帝理作杵臼所封也

襄城 水經注云京相璠土地名曰汜城周襄王居之故

曰襄城也今置關于其下

有西不羹 杜預曰在縣東

有汜城 左傳僖二十四年王出適鄭處于汜杜預曰鄭南汜也在襄城縣南又僖三十年秦軍汜南杜預曰此東汜也在滎陽中牟縣又成四年晉伐鄭取汜祭杜預曰鄭地成皋縣有汜水劉昭于成皋汜水襄城汜城竝注云周襄王所處似誤合南汜汜祭爲一

昆陽 李賢曰故城在今許州葉縣北

定陵 李賢曰故城在今豫州鄆城縣西北

鄆 括地志豫州襄信縣本漢鄆縣地李賢曰今豫州鄆城縣宋白曰七國時魏之下邑今許州鄆城縣也

潁陽 李賢曰故城在今許州

新汲 河內有汲縣故加新李賢曰故城在今許州扶溝縣西

長社 李賢曰今許州縣故城在縣西

有長葛城 杜預曰在縣北

陽城 括地志今洛州縣

有嵩高山 本紀熹平五年復崇高山名爲嵩高山注引東觀記云使中郎將堂谿典請雨因上言改之

有負黍聚 括地志負黍亭在洛州陽城縣西南三十五里故周邑戰國屬韓

父城 李賢曰故城在今許州葉縣東北

輪氏 李賢曰故城在今洛州洛陽縣西南

汝南郡三十七城 應奉傳云爲郡決曹史行部四十二
縣則桓帝以前汝南所屬不止三十七城矣

平輿 李賢曰故城在今豫州女陽縣東北

新陽 永元初屬淮陽十一年削李賢曰故城在今豫州
真陽縣西南

西平 李賢曰故城在今豫州吳房縣西北鄆城縣南

南頓 李賢曰故城在今陳州項城縣西

汝陰 李賢曰故城在今潁州汝陰縣

新息 李賢曰今豫州縣故城在縣西南

北宜春 李賢曰豫章有宜春故此加北故城在今豫州

汝陽縣西南

淮陽 李賢曰在涇水之陽因以爲名在今豫州吳房縣

音劬

期思 李賢曰故城在今光州固始縣西北

陽安 李賢曰故城在今豫州朗山縣

項 永元初屬淮陽十一年削李賢曰今陳州項城縣

西華 建初四年益淮陽永元十一年削李賢曰故城在

今陳州澉水縣西北

細陽 李賢曰故城在今潁州汝陰縣西

安城 章德皇后紀及劉寬碑陰俱作安成李賢曰故城

在今豫州吳房縣東南

鮑陽 李賢曰故城在今豫州新蔡縣北

慎 李賢曰故城在今潁州潁上縣西北

新蔡 李賢曰蔡平侯自蔡徙此故加新今豫州縣

有大呂亭 括地志故城在鄧州南陽縣西四十里

安陽 李賢曰故城在今豫州新息縣西南

宜祿 永元初屬淮陽十二年削

朗陵 李賢曰故城在今豫州朗山縣西南

弋陽 李賢曰故城在今光州定城縣西

召陵 李賢曰故城在今豫州鄆城縣東

征羌 李賢曰故城在今豫州鄆城縣東南

宋公國 周名鄆丘漢改爲新鄆 李賢曰新鄆故城在

今潁州汝陰縣西北鄆丘城是也

固始 故寢光武中興更名有寢丘 案前志汝南淩縣
應劭曰孫叔敖子所邑之寢丘也世祖更名固始續志
所云似本應說然前志淮陽國已有固始師古曰本名
寢丘楚令尹孫叔敖所封地前志所載俱在元始以前
非自光武始更名也志誤

山桑 李賢曰今亳州縣

有下城父聚 史記陳涉世家云陳王之汝陰遷至下城
父司馬貞曰在城父縣東

有垂惠聚 李賢曰艾城在今亳州山桑縣西北一名禮
城

城父 春秋時曰夷 左傳昭九年楚遷許于夷實城父

杜預曰此時改城父爲夷城父屬譙郡大臨案縣有揚
菑亭見許慎說文解字

梁國 李賢曰今宋州

睢陽 有陽梁聚 杜預曰在縣東

注宋有孟諸 郡縣志孟諸澤在宋州虞城縣西十里周
回五十里

虞 左傳哀元年少康逃奔有虞卽此地李賢曰故城在
今宋州虞城縣

有空桐地 杜預曰在縣東南

碭 括地志宋州碭山縣本漢碭縣在宋州東百五十里
蒙 李賢曰故城在今宋州北

穀熟 李賢曰故城在今宋州東南

有新城 杜預曰在縣西

有邳亭 邳當作邾史記曹參世家云取碭狐父邾善置

索隱曰邾國志穀熟有邾亭劉氏音遲又如字正義曰

括地志故邾城在宋州下邑縣東北四十九里據此則

邳字之誤無疑

隰 故屬陳畱 建初四年益梁國李賢曰今許州鄆陵

縣

寧陵 故屬陳畱 建初四年益梁國李賢曰今宋州縣

游 故屬山陽 建初四年益梁國李賢曰故城在今曹

州考城縣東北

所都 所上脫湯字

沛國

相 李賢曰故城在今徐州符離縣西北九十里

蕭 括地志徐州蕭縣古蕭叔之國春秋時爲宋附庸

沛 孔宙碑陰作小沛言小以別沛國

譙 李賢曰今亳州縣

浚 李賢曰故城在今泗州虹縣西南

建平 李賢曰故城在今亳州鄆縣西北

竹邑 李賢曰故城在今徐州符離縣

公丘 本膠國 膠當作滕閩本亦誤

符離 李賢曰今徐州縣故城在縣東

紅 前志作埶李賢曰今泗州虹縣

太丘 故敬丘明帝更名

杼秋 李賢曰故城在今徐州蕭縣西北

陳國高帝置爲淮陽 李賢曰淮陽故城在今陳州宛丘

縣西南

陳 注陳有株邑 案寰宇記陳州南頓縣西南三十里

有夏亭城城北五里有株林

陽夏 括地志陳州太康縣本漢陽夏案太康縣城夏后

太康所築隋改陽夏爲太康

有固陵聚 括地志故城在今陳州宛丘縣西北四十二

里

寧平 李賢曰故城在今亳州谷陽縣西南

苦 春秋時曰相有賴鄉 案邊韶老子銘曰老子楚相
縣人也今屬苦故城猶在在賴鄉之東澗水處其陽李
賢曰苦故城在今亳州谷陽縣

扶樂 建武三十年以汝南之扶樂益淮陽國前志汝南
無此縣故不言故屬汝南李賢曰故城在今陳州太康
縣北

武平 李賢曰故城在今亳州鹿邑縣東北

長平 故屬汝南 建武三十年益淮陽國李賢曰故城
在今陳州宛丘縣西北

魯國 脫雒陽東南若十里句建武二十八年以魯國益

東海

魯 有關里孔子所居 李賢曰孔子宅在今兗州曲阜縣故魯城中歸德門內關里之中背洙面泗雙相圍之東北也

騶 李賢曰今兗州鄒縣

蕃 李賢曰故城在今徐州滕縣

薛 永平中削東海王薛縣括地志故城古薛侯國在徐州滕國縣界黃帝之所封左傳定公元年薛宰曰薛之祖奚仲居薛爲夏車正後爲孟嘗君田文封邑

六國時曰徐州 徐或作徐與舒同春秋哀十四年經齊陳恆執其君寘于舒州史記齊世家云田常執簡公于

徐州司馬貞曰徐字從人說文作邠竝音舒戰國策齊一篇曰楚成王戰勝于徐州高誘曰徐州或作舒州

汶陽 李賢曰故城在今兗州泗水縣西

縣邑侯國九十九 案兗州縣邑公侯國八十以有東郡
衛公國也今豫州汝南郡有宋公國則此處亦當有公
字

魏郡

鄴 有汗水 水經注汗水出武安山東南經汙城北入
漳括地志汗水源出懷州河內縣北大行山

有汙城 顏師古曰在縣西南

有平陽城 劉寬碑陰有魏郡平陽馬就子珪是平陽爲

縣名也今無此縣

繁陽 李賢曰故城在相州內黃縣東北

內黃 李賢曰今相州縣故城在縣西北

有堯陽聚 李賢曰左傳晉荀盈如齊逆女還卒於戲陽

戲與堯同音許宜反見光武紀注又曰堯陽聚在今相州堯

城縣東

魏 李賢曰故城在今相州安陽縣東北

元城 墟故沙鹿 杜預曰沙鹿山名陽平元城縣東有

沙鹿土山

陰安邑 靈臺碑魏郡陰安審君諱晃無邑字

館陶 李賢曰今魏州縣

斥丘 李賢曰故城在今相州成安縣東南

曲梁 杜預曰今廣平縣李賢曰今洛州縣

鉅鹿郡

慶陶 李賢曰今趙州縣故城在縣西南

有薄洛亭 薄洛津名說見安平經下

鉅鹿 李賢曰今邢州縣

有大陸澤 禹貢云大陸既作鄭注云大陸澤名在鉅鹿

北爾雅釋地十藪晉有大陸詩疏郡縣志大陸澤一名

鉅鹿在鉅鹿西北五里禹貢云恆衛既從大陸既作澤

東西二十里南北二十里葭蘆芰蓮魚蟹之類充仞其

中澤畔又有鹹泉煮而成鹽百姓資之又云廣阿澤在

昭慶縣東二十五里爾雅曰晉有大陸大昭案高誘注
呂覽九數趙之鉅鹿云廣阿澤郭璞注爾雅十數晉有
大陸云今鉅鹿北廣河澤廣河卽廣阿唐之鉅鹿昭慶
壤地相接吉甫雖分引禹貢爾雅實一地也

鄆 永平中屬樂成國永元七年削李賢曰故城在今冀
州鹿城縣東

下曲陽 有鼓聚 宋白曰鎮州鼓城縣漢下曲陽地

廣平 李賢曰故城在今洺州永年縣西北

斥章 李賢曰故城在今洺州洺水縣

廣宗 李賢曰今貝州宗城縣隋煬帝諱廣故改爲宗城

曲周 李賢曰故城在今洺州曲州縣西南

廣年 李賢曰隋避煬帝諱改永年

南蠻 前志作南繚此作蠻疑誤李賢曰左傳齊國夏伐
晉取欒卽其地也其後南徙故加南今俗謂之倫城聲
之轉也南繚故城在邢州柏人縣東北殷本作繚不誤
常山國 脫雜陽北若干里句

元氏 李賢曰今趙州縣

注有石塞三公塞 洪适曰石塞卽白石山也三公塞卽
三公山也白石碑云縣界有六名山三公封龍靈山先
得法食無極山碑載光和帝書勅元氏縣給三公山四
時祠具又云三公山與龍靈山無極山共興雲雨

高邑 李賢曰今趙州縣

有千秋亭五成陌 李賢曰千秋亭五成陌在今趙州柏

鄉縣

南行唐 李賢曰今恆州行唐縣

有石臼谷 李賢曰石臼河在今定州唐縣東北

房子 李賢曰今趙州縣

平棘 李賢曰今趙州縣故城在縣南

樂城 杜預曰樂在趙國平棘縣西北

靈壽 李賢曰今恆州縣故城在縣西北

蒲吾 李賢曰故城在今恆州靈壽縣南

真定 李賢曰今恆州縣

中山國

盧奴 李賢曰故城在今定州安喜縣

北平 李賢曰今易州永樂縣

新市 脫故屬鉅鹿句李賢曰故城在今恆州東北

望都 李賢曰故城在今定州唐縣東北堯母慶都山在

南故以名焉

唐 李賢曰今定州縣

有中人亭 李賢曰故城在今定州唐縣東北

安國 延熹元年屬博陵見劉祐傳李賢曰故城在今定

州義豐縣東南

漢昌 李賢曰苦陘章帝改曰漢昌自此以後隨代改之

今定州唐昌縣是也

蠡吾 延熹元年屬博陵見靈臺碑故城在今瀛州博野

縣西

上曲陽 鉅鹿有下曲陽故此云上李賢曰故城在今定

州鼓城縣西

蒲陰 李賢曰故城在今定州北

安平國

信都 延熹元年屬博陵見楊著碑

阜城 李賢曰今冀州縣故城在縣西北

南宮 李賢曰今冀州縣

扶柳 李賢曰故城在冀州信都縣西

下博 在博水之下故曰下博李賢曰今冀州縣故城在

縣南

武邑 李賢曰今冀州縣

觀津 建初四年以清河之觀津益樂成李賢曰故城在今德州舊縣西北

經 李賢曰今貝州經城縣

西有漳水津名薄落津 案袁紹傳大會賓徒于薄落津水經注漳水經鉅鹿故城西謂之落津

堂陽 李賢曰在堂水之陽今冀州縣故城在今冀州鹿城縣西南

武遂 前志作武隧

饒陽 故屬涿 建初四年益樂成李賢曰在饒河之陽

今瀛州縣故城在縣東北

有無雙亭 李賢曰在縣東北

安平 故屬涿 建初四年益樂成延熹元年屬博陵見
孔彪碑陰李賢曰今定州縣

南深澤 故屬涿 建初四年益樂成李賢曰今定州深
澤縣故城在縣東

河間國 和帝紀永元二年分樂成涿郡勃海置

樂成 李賢曰故城在今瀛州樂壽縣西北

中水 故屬涿 建初四年益樂成李賢曰故城在今瀛
州樂壽縣西北

高陽 延熹元年屬博陵見孔彪碑陰

文安 李賢曰今瀛州縣故城在縣東北

成平 故屬勃海 建初四年益樂成李賢曰故城在今

景成縣南

清河國 李賢曰今貝州縣

甘陵 李賢曰甘陵孝德皇后之陵也因以爲縣故城在

今貝州清河縣西北

鄆 李賢曰故城在今德州平原縣西南

廣川 李賢曰故城在今冀州棗強縣東北

故屬信都 安帝建光元年改屬

趙國

邯鄲 李賢曰今洺州縣

襄國 括地志邢州城本漢襄國縣秦置信都屬鉅鹿項
羽改曰襄國立張耳爲常山王都此李賢曰今邢州龍
岡縣

柏人 李賢曰今邢州縣故城在縣西北

中丘 李賢曰故城在今邢州內丘縣西隋室諱忠故改
爲內焉

勃海郡 前志屬幽州和帝永元六年改屬冀州

南皮 括地志云今滄州縣故城在縣北四里

高城 陸康傳云縣在邊垂舊制令戶一人具弓弩以備
不虞不得行來康至罷之李賢曰故城在今滄州鹽山

縣南

續漢書辨疑卷四
三
冀州書叢書

重合 李賢曰故城在今滄州樂陵縣東

浮陽 李賢曰在浮水之陽今滄州清池縣

東光 建初四年益樂成永元七年復李賢曰今滄州縣

章武 李賢曰故城在今滄州魯縣

縣邑侯國百 賈琮為冀州刺史百城聞風自然竦震是

靈帝時亦百城也

續漢書辨疑卷四終